

La **doturia Grete Mahlke** é demez en jöbia y en vëndres, ai 20 y 21 d'otober, y vëgn sostituida dal dotur Eduard Agreiter 0474 523315 / 333 13 80 852.

L'**apoteca Pütia** a Picolin é stlütta dai 16 ai 23 d'otober.

COMUN: Tl'edema **dai 17 ai 21 d'otober gnarál asfalté** dala dita Kofler & Rech srl n valgügn toc dles strades Lungiarü - Frëina (17 y 18 d'otober), Lungiarü - Seres y Misci (18, 19 y 20 d'otober) y Picolin - Ju (20 y 21 d'otober). Porchël sarál sön chëstes strades vigni tant da aspeté (alplü na mesora).

En chëst'edema vëgnel metü sò por otedé a San Martin y Lungiarü **bënes por i ciüfs** olach'al pó ma gní sciuré ite ciüfs, nia fassli, bossi, tera y i.i.

PLOANIES SAN MARTIN Y LUNGIARÜ

EDEMA DLA FEDE: dai 16 ai 23 d'otober; ciaredi al program injunté; iadedô ciafëise dôes oraziuns do n bun scomenciamënt por i consëis de cöra nüs.

Peregrinaje a Maria Luggau en jöbia, ai 20 d'otober, da Antermëia dales 8.00, da San Martin dales 8.30, da Longega dales 9.00; mëssa y marëna a Luggau, palsa a Lienz y incër les 18.00 a ciasa. Prenotaziuns pro Lisl (Antermëia) 0474 520 013.

PLOANIA SAN MARTIN

Por la **lita y la composiziun dl Consëi de cöra nù** ciarede sön tofla de dljia.

Incö domënia, ai 16 d'otober, junse a **Porsenü ala festa de 1700 agn dal nadé de San Martin da Tours**, patron de nosc paisc. Por chi che s'á anunzié pëia ia le bus dales 11.30; dër bëgnodüs é ince duc chi che vëgn ia privatamënter.

Les animadësses dla **Schira Jonila chir porsones** che á vëia y ligrëza da daidé n valgönes sabedes al ann (Martina 349 64 73 206); ciarede plü avisa tl'ultima plata.

Referat dl'avocadëssa **Ci n'él pa de mi scioldi, de mia ciasa do mia mort?** Co pói pa ciaré ch'al ne vëgnes nia strité do mia mort? Info sura l'arpejun y fá testamënt en domënia ai 23 d'otober, dales 11.00 tl pice salf dl Istitut Ladin a San Martin. Organisé dala Uniun di Seniors da San Martin y Antermëia. Düc é dër bel invia.

PLOANIA LUNGIARÜ

Le Cor de Dljia da Lungiarü tëgn indô n **marcé en Santa Lizia**. Porchël vëgn la jënt dër bel periada da daidé cun patüc da vëne. Präibel y dilan.

L'ater lönesc ai 24 d'otober, dales 20 tl salf dl paisc **referat de siur Sepl Granruaz:** Educadú o mënacrep – le dër entusiasim porta a n bun resultat.

La Uniun di Seniors da Lungiarü tignará de forá y merz dl 2017 n **curs da fá cripeles** cun Thomas Ploner da Ehrenbrug; informaziuns plü avisa ciafarëise de dezëmbër.

Referat de Silvia Pitscheider sura le mangé sann y cun mosöra por prevegní y curé le surapëis en dedemesaledema, ai 19/10, dales 19.30 a S. Martin tl salf di stödafüch.

Pepi y Zeno Cabaret 20.16: Pepi Costner y Zeno Obwegs en jöbia ai 20 d'otober, dales 20.00 a Picolin tl Raiun Sozial.

Invit al De dla Cultura Ladina, en vëndres ai 21 d'otober dales 15.00 tla Ciasa dla Cultura a La Ila: **referat de Franz Kripp (diretur dla Caritas) sura l'imigraziun** y mësa torona cun Florian Mussner, Carla Comploj, André Comploi y Gábor Sógorka

Gran Batadú tl Museum de Tor cun la Uniun di Stödafüch en domënia ai 23/10 dales 14.00. Dales 13.30 iscriziuns y estraziun di grups. Les iscriziuns vëgn ince tutes sò por telefon 339 76 85 970 vigni domisdé. Le batadü mët man dales 14.00.

Referat dl dotur Marco Pizzinini sura **esperienzes dlungia la mort** en lönesc ai 24 d'otober, dales 20.00-21.30 tl a La Val tl pice salf de comun.



www.unitepastorala.org

Plata dles Ploanies San Martin y Lungiarü



siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

16.10. - 23.10.16 nr. 47

termo da publiché: jöbia 20.00

radio: 90,40 / 93,70

29^a DOMÈNIA IA POR L'ANN - C

Vangele do San Lüca 18,1-8

Mo spo â dit le iudicadüü iniüst a se instës:

Incé sc'i ne tēmi nia Idî y i n'â compasciun cun degügn, ôi impò ti fa avarëi le dërt a chësta vëdua, ciödiche ara ne me lascia degöna tria.

Zënza vëgnëra ciämò ala fin y me dà tla müsa.


Y le Signur â ajuntè:

Aldide, co che le iudicadü iniüst dij.

⁷Ne dess nia Idî a sü prelità, che ti scraia incuntra dé y nôt, ti fà avarëi le dërt, impede i fà aspeté?

I ves diji: Al ti fajarà avarëi le dërt atira.

Mo le Fi dl Om, ciafaral mo canch'al vëgn ciämò fede söla tera?



Da perié arati ch'ara ne vais nia tan da ester muri y stofusc, mo da tigní dūr, da ne lascé nia ia, da ester fedei, da sintí nosc debojëgn.

La vëdua n'á nia zedü da fá avarëi so dërt.

Laota ê les vëdues tralasciades y l'â dër ria.

Le iudicadü s'â ala fin lascé storje da chë vëdua y l'á daidada.

Al é important ch'i sunse cosciënt do ci ch'i præii y ch'i me mëtes dan da Idî: i pó m'aspeté da d'ël ci ch'é cosses da vigni de y cosses straordinares, cosses materiales y cosses spirituales, ci ch'i adori y ci che m'alegrëia, ci ch'é scëmpl y saurí y ci ch'é compliché y ri. Sc'i sighiti da perié cun fidënza Idî do ci ch'i arati bun y dërt, sc'i me deuri a döt ci che ël é por me scinché, chersciará mia fede.

*„Mo le Fi dl Om, ciafarál mo, canch'al vëgn, ciämò fede söla tera?“
é la domanda, dala risposta presc malsigüda, ala fin dl vangele da incö.
I ne sun nia ma nos ch'i depenun da Chël Bel Dî,
al é ince ël che chir nosta fede. (Image)*

	SAN MARTIN		LUNGIARÜ
16.10.16 29^a DOMËNIA – ANN C Segra de düc EDEMA DLA FEDE	9.00 Corona 09.30 Gran Mëssa (<i>scomenciamënt Edema dla Fede</i>) 15.00 Mëssa Pontificala tl Dom da Porsenú 1700 agn dal nadé de San Martin de Tours	16.10.16 Domënia	7.55 Corona 8.15 Gran Mëssa (<i>scomenc. Edema dla Fede</i>) <i>Festa dla racoiüda y di maridá iubilara</i> 15.00 Corona tla capela de S. Ujöp da Oies
17.10.16 Lönesc <i>Ignaze d'Antiochia, Anselm</i>		17.10.16 Lönesc	
18.10.16 Dedolönesc <i>Lüca vangelist, Pire</i>	19.30 Mëssa dl ann + Emma Schanung y + Bacchisio Cosseddu + Rosalia Graffonara + + siur Bertrand y Paula Vollmann	18.10.16 Mertesc	
19.10.16 Dedemesaledema <i>Paul dla Crusc, Isach</i>		19.10.16 Mercui	7.30 Mëssa dl ann + + Florian y Anna Clara + + Sepl y Maria Clara / + Albina Clara Corona
20.10.16 Jöbia <i>Wendelin, Vitalis</i>	7.30 Mëssa di scholars + Carlo Moling (dl ann) + Paul Vantsch + + Zingerle Corona por vocaziuns 15.30 Mëssa te Ciasa de Palsa + Rita Costabiei / por i amará y na buna varijun	20.10.16 Jöbia	
21.10.16 Vëndres <i>Ursula y Compagnes</i>	18.30 Adoraziun chita 19.00 Adoraziun deboriada	21.10.16 Vëndres	7.30 Mëssa + + + Albino, Sabina y Davide Daporta, Mazchel + Franz Pezzei, Ghestan / + Vito Clara Corona
22.10.16 Sabeda <i>Jan Paul II, Cordula</i>	9.30-12.00 Festa di Cresimá y di Cresimanc tl gran salf 15.30 Mëssa tla Ciasa de Palsa 18.30 Mëssa prefestia dl ann + Cristina Conrater dl ann + Angel Moling, Pinis + Lena Rubatscher Zingerle (KVV)	22.10.16 Sabeda	9.30-12.00 Festa di Cresimá y di Cresimanc ... 20.00 Mëssa prefestia de rengraziamënt + + de Camura vis y + + de Marino Mischi
23.10.16 30^a DOMËNIA – ANN C Domënia dles Misciuns	9.00 Corona 09.30 Gran Mëssa cun festa dla racoiüda + siur Franz Aiarei (dl ann) 17.30 Prozesciun cun ciandëres da Badia a Oies 18.15 Mëssa a Oies cun le cor de dljia da Lungiarü	23.10.16 Domënia	<i>Lita dl Consëi de Cöra nü</i> 7.55 Corona 8.15 Gran Mëssa 15.00 Corona tla capela de S. Ujöp da Oies ← Conclujiun Edema dla Fede sö Oies